

政和五禮新儀

十



總校官庶吉士臣何思鈞

校對官主簿臣汪日贊

謄錄監生臣曹錫齡

欽定四庫全書

政和五禮新儀卷二十四

序例

五服制度

衣服喪
葬制附

斬衰三年正服子為父加服嫡孫為祖謂承重者父為長子

重其當先祖之正體將代已為宗廟主者義服婦為舅夫為祖曾高祖後者其妻從服亦如之

為人後者為所後父為父所後者祖亦如之妻為夫妻為君妻謂夫為

君

齊衰三年正服子為母加服嫡孫為祖母母為長子

謂父

為斬衰者義服婦為姑嫡孫為祖母曾高祖後者其妻從服亦如之為繼母為慈母

謂妾無子妾子無母而父命為母子者繼母為長子妾為君之長子

齊衰杖期降服父卒母嫁及出妻之子為母

為生已者若為父後

則不服母猶服之正服嫡孫祖在為祖母義服父卒為繼母嫁

已從之謂繼母嫁而子從之寄育者夫為妻

若不從或繼母出則不從

齊衰不杖期正服為祖父母女適人同孫子父所生庶母服亦同惟為祖後者不

服為伯叔父為兄弟為衆子謂長子之弟及妾子若女子凡父母子於舅姑于婦

不傳至於嫡孫所傳至非嫡及養
子為後者服之皆如衆子衆婦
為兄弟之子為姑姊

妹及適人無適祭主者
謂無夫與子為祭主者
婦人無夫與子者

為其兄弟妹及兄弟之子妾為其子加服為嫡孫
有嫡子則

無嫡孫凡為後承嫡者雖曾孫玄孫與孫同
女適人者為兄弟之為人後者

降服嫁母出母為其子妾為其父母
凡妾為私親如衆人
為人後

者為其父母父母為其子之為人後者女適人者為父

母
所降之服未滿被出者不降服已除被出而本服未除者不服凡女適人應降之服未除已除被出者皆

此准義服繼母嫁為前夫之子從已者為伯叔母為母為

繼父同居者謂子無大功之親從母適人所適者亦無大功之親妾為嫡妻妾為

君之衆子為夫之兄弟之子舅姑為嫡婦

齊衰五月正服為曾祖父母女適人同

齊衰三月正服為高祖父母女適人同義服為繼父不同居

謂先同今異者即同居而繼父有子或已有大功上親亦為異居原不同居者不服大功九月殤

中殤七月正服為子之長殤中殤為嫡孫之長殤中殤嫡曾孫亦

同為叔父之長殤中殤為姑姊妹之長殤中殤為兄

弟之子長殤中殤義服為父之兄弟之子長殤中殤成

人正服為從父兄弟姊妹

謂同堂兄弟姊妹

為眾孫

男女同食稱孫者准

此降服為姑姊妹適人者為女適人者女適人者為姑

姊妹兄弟及兄弟之子出母為女適人者女適人者為

出母為兄弟女適人者為出母為兄弟女適人者女適

人者為伯叔父為人後者為出母其姑姊妹兄弟為兄

弟姪為人後者義服為夫祖父母為夫伯叔父母為兄

弟子之婦為夫兄弟子之婦為夫兄弟女適人者女適

人者為伯叔母夫為人後者其妻為本生舅姑為眾子

婦

小功五月殤正服為子之下殤為嫡孫之下殤為叔父
 之下殤為姑姊妹之下殤為兄弟之下殤為兄弟子之
 下殤為從父兄弟姊妹之長殤為衆孫之長殤降服為
 人後者為其姑姊妹兄弟之長殤女適人者為兄弟之
 子長殤義服為夫兄弟之子下殤為夫叔父長殤成人

正服為從祖祖父

謂祖之兄弟

為兄弟之孫為從祖父

謂父之同

堂兄弟

為從祖姑

謂父之同堂姊妹

為同堂兄弟之子為從祖兄

弟

謂再從兄弟

為從祖姊妹

謂再從姊妹

為從祖祖母

謂祖之姊妹

為

外父母為舅為從母

謂母之姊妹

為甥

謂姊妹之子

女為姊妹之

子為同母異父兄弟姊妹降服為從父姊妹適人者女

適人者為從父兄弟為孫女適人者為人後者為其姑

姊妹適人者為人後者為其從父兄弟女適人者為其

兄弟侄之為人後者義服為從祖祖母為夫兄弟之孫

為從祖母為夫同堂兄弟之子為夫之姑姊妹

適人女同

在室及適人者為兄弟姪之妻為姊如婦

凡弟之妻相名也長婦謂

釋婦為娣婦眾謂長婦為姒婦或云妯娌

為嫡母之父母兄弟從母母出為

繼母之父母兄弟從母為庶母慈已者

謂庶母乳養之者

為嫡

孫之婦

有嫡婦則無嫡孫婦曾孫玄孫為後者服其婦如嫡孫之婦

為兄弟妻為夫

之兄弟

總麻三月殤正服為從父兄弟姊妹之中殤下殤為眾

孫之中殤下殤為從祖叔父之長殤為從祖兄弟之長

殤為舅及從母之長殤為從祖姑姊妹之長殤為從父

兄弟之子長殤為兄弟之孫長殤降服女適人者為兄

弟之子中殤下殤為人後者為其姑兄弟姊妹之中殤

下殤為人後者為其從父兄弟之長殤義服為夫之叔

父中殤下殤為夫之姑姊妹之長殤成人正服為族兄

弟姊妹謂三從兄弟姊妹為族曾祖父謂曾祖之兄弟為族曾祖父謂曾祖之兄弟

祖之姊妹為兄弟之曾孫為族祖父謂祖之同堂兄弟為族祖父謂祖之同堂兄弟

同堂姊妹為同堂兄弟之孫為族父族姑謂父之再從兄弟姊妹為再

從兄弟之子女出嫁則不服族姊妹以下為曾孫元孫姑及姊妹孫女出嫁並准此

為外孫謂女子之子為從母兄弟姊妹謂兩姨兄弟姊妹為姑之子

謂外兄弟姊妹為舅之子謂內兄弟姊妹降服為從祖姑姑姊妹適人者

女適人者為從祖姑姑女適人者為從祖祖姑姑女適人者

為從祖兄弟女適人者為從祖姊妹女適人者為從祖

父謂父之同堂兄弟女適人者為同堂兄弟之子為同堂兄弟

之女適人者庶子為父後者為其母若無嫡母及嫡母卒則為所生母服

其外祖父父母舅從母並不服為從祖祖姑適人者女適人者為兄弟

之孫為人後者為本生外祖祖父母為兄弟之孫女適人

者女適人者為從祖祖父母義服女適人者為從祖祖母

為族曾祖母為夫兄弟之曾孫為族父母為夫同堂兄

弟之孫為族母為夫再從兄弟之子女適人則不服為衆孫之

婦女適人者為從祖母為庶母父之妾有子孫為乳母為壻謂女

之為妻之父母妾生再娶即同生妻身之夫雖改嫁被出亦如之為夫之曾祖

高祖父母為夫之從祖祖母謂夫之祖兄弟及其妻為兄弟孫

之婦為夫兄弟孫之婦為夫之從祖父母謂夫之父同堂兄弟及其

妻為同堂兄弟子之婦為夫同堂兄弟子之婦為夫從

父兄弟之妻為夫之兄弟之孫女適人為夫之從父兄

弟之女適人為夫之從父姊妹適人同為夫之外祖父母

為夫之舅及從母為外孫婦女為姊妹子之婦為甥之

婦

喪冠之制斬衰同屈繩為武齊衰以降以布為武總麻

深治其布為武皆垂其下為纓其冠以布為三辟攝前

後屈而出於武其外厭而縫之為外緝其內厭而縫之

為內緝大功以上辟攝向右小功以下辟攝向左

衰裳之制凡衰外削幅縫之邊幅向外裳內削幅縫之邊幅向內裳前

三幅後四幅皆三辟攝之斬衰衰與裳皆不緹緝齊衰而下衰則外緹裳則內緹又以方一尺八寸之布置背上縫着領下垂之出於辟領外一寸又以博四寸之布為領出於衰之兩旁又以長六寸博四寸之布綴於衣之外襟廣衰當心衣帶下尺衽二尺有五寸以掩裳之兩際袂屬其幅衣自領至腰長二尺有五寸袷尺二寸凡斬衰之裳以繩為帶齊衰之裳以布為帶

首經之制冕以布廣一寸長三尺自項而前交於額上

却繞髻如幪頭斬衰苴麻為首經

苴者麻之有黃也

大九寸左

本在下

本者麻根

齊衰牡麻為首經

牡者桌麻

大九寸二分右本

在上大功以牡麻為經加皆以繩為纓中殤無纓其大

五寸七分小功成人服以牡麻為經小功殤服以澡麻

為經皆大四寸六分總麻以澡麻為經皆大四寸六分

總麻以澡麻為首經其大三寸七分大功以上麻皆有

本小功以下麻經皆繼本

經帶絞帶之制五分首經殺一以為腰經五分腰經殺

一以為絞帶斬衰以麻齊衰以下經帶以麻絞帶以布
麻有苴有牡有漂有不漂有有本有繼本者皆如首經
之等

喪屨之制斬衰以菅屨外納其餘齊衰三年及杖周以

鹿屨內納其餘菅與鹿草名鹿屨又號為疏屨不杖周麻屨五月三月

及大功繩屨小功以下吉屨無約約在屨頭喪屨去之

杖為父杖竹而苴色之黠者為苴為母杖桐而削去其色其大

皆如腰經其長皆齊心

凡五服衰裳以布之稍細為之等

喪制之制

凡品官以下喪葬之制重柱鬲一品六六品以上四九
 品以上二銘旌書官封姓名之柩四品以上長九尺六
 品以上長八尺九品以上長七尺四品以上紼四披四
 鐸六翣六六品以上紼二披二鐸四翣四九品以上鐸
 二翣二挽歌四品以上六行行六人六品以上四行行
 四人八品以上陞朝官六人九品四人輦一品一百十

准六品

二人五品以上七十二人七品以上三十二人八品二十
十六人九品二十人庶人一十六人車四品以上八十
二人九品以上六十二人轎車四品以上油幟朱絲絡
網施襪兩廂畫龍幟竿諸末垂旒蘇六八品以上油幟
施襪兩廂畫雲氣垂旒蘇四持紼披者布幟布深衣挽
歌者白練幟白練構衣執紼鐸方相其頭深青衣朱裳
執戈揚盾載以車五品以上方相四目八品以上魃頭
兩目明器四品以上五十六品以上三十九品以上

朝陞

官准六品 二十庶人 一十墓 一品方九十步 二品方八十步

三品方七十步 四品方六十步 五品方五十步 六品方

四十步 七品以下方二十步 庶人方十八步 墳一品高

一丈八尺 二品高一丈六尺 三品高一丈四尺 四品高

一丈二尺 五品高一丈六品以下高八尺 庶人高六尺

墓域門及四隅 四品以上築闕 六品以上立侯 七品以

下庶人同封塋碑螭首 趺上高九尺 碣主首方 趺上高四

尺 獸四品以上 六品以上 四九虞祭 三品以上 七虞五

品以上五虞九品以上再虞庶人一虞凡虞祭祔祭用
柔日卒哭祭不擇日

政和五禮新儀卷二十四

一丈八尺三品高一丈六尺三品高一丈四尺四品高一丈二尺五品高一丈二品以下高八尺廣八尺六尺及
 廣六尺及四品四品以上集期六品以上立候七品以
 上白卒哭祭不齋如以上高九尺廣七尺方殿上高四

無入一氣以氣祭祭用

欽定四庫全書

政和五禮新儀卷二十五

吉禮

皇帝祀昊天上帝儀一

時日

齋戒

奏告

陳設

車駕自太廟詣青城

省牲器

奠玉幣

進熟

望燎

端誠殿受賀

車駕還內

宣德門賜赦

時日

前期降御禮以今年冬至祀天子圓壇太常寺具時
日散告

齋戒

前祀十日質明有司設行事執事及陪祠文武官位於
朝堂太宰刑部尚書在北南向太宰在左刑部尚書在
右刑部尚書稍却行事太宰左丞在南吏部戶部禮部尚書吏
部禮部侍郎太司樂光祿卿太樂令光祿丞功臣獻官

在其南凡設太樂令以下位皆稍却次分獻官次執事官又于其南

俱北向西上監察御史位二在西東向北上讀冊舉冊

官奉禮協律郎大祀郊社太官令在東西向北上奉禮郎以

下位皆稍却設陪祠文武百官位於行事官之南又設行事

執事及陪祠親王宗室位於太廟齋坊少宰刑部侍郎

在北南向少宰在左刑部侍郎在右刑部侍郎稍却亞終獻在

南北向西上親王及行事執事陪祠宗室在東西向北

上東上閣門御史臺太常寺自下分引羣官各就位凡將

引行事執事陪祠文武官立班即御
史臺引殿中侍御史一員先入就位
太宰請誓於朝堂

刑部尚書泣之少宰請誓於太廟齋坊刑部侍郎泣之

誓文曰今年十一月某日冬至皇帝祀天於圓壇前

二日朝獻景靈宮前一日朝享太廟各揚其職其或不

恭國有常刑讀訖內朝堂執事官奉禮郎以下文官
宣德郎以下武官從義以下先退餘

官並對拜拜訖退皇帝散齋七日於別殿致齋三日一日

於大慶殿一日於
太廟一日于青城凡散齋不吊喪問疾作樂有司不奏

行殺文書致齋日前後殿不視事惟行祀事前後齋一

日殿中監帥其屬尚舍鋪御座於大慶殿當中南向設東西房於御座之左右稍北又設西閣及齋室於殿後之左右殿上前楹施簾致齋之日質明有司陳大駕鹵簿於宣德門外尚輦陳平輦於垂拱殿庭文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱殿庭立班東上閣門附內侍進班齋牌垂拱殿簾降皇帝乘輦出自殿上少駐輦官迎駕自贊常起居宣輦官上殿簾捲

鳴鞭行門禁衛諸班親從迎駕自贊常起居次舍人先
贊知內侍省官以下常起居次樞密以下通班常起居
贊祇候引駕樞密知客省事以下至僉書東上閣門官
分左右立六尚局應奉官祇應通事大夫以下武功大
夫以下並先退次管軍臣僚宣名常起居贊祇候引駕
並分左右前尊輦降東階垂拱殿門外禁衛諸班親從
自贊常起居次行宮使御營巡檢一班常起居

如通事大夫以

下知客省事以下武功大夫以下知內侍兩省
帶御器械官充行宮使御營巡檢各歸本班

至大慶

殿後閣降輦入西閣大慶殿簾降前導官並就次易朝

服詣御榻前左右侍立

知樞密院事僉書樞密院事在東西向北上同知樞密院事在

西東向左輔一員在知樞密院事之北贊拜東上閣門官一員又在其北並西向知客省事以下在僉書樞密

院之南稍東西向北上僉書知客省事以下又在其南稍却

通事舍人等分行事

執事陪祠文武官各績結佩入詣大慶殿庭立班舍人

引禮部侍郎奏請中嚴侍臣詣幄奉迎內外符寶郎奉

寶先出陳於御榻之左右少頃引禮部侍郎奏外辦皇

帝服通天冠絳紗袍績結佩出西閣乘輿稱警蹕侍衛

如常儀由西房至御榻西降輿皇帝即御座南向侍臣

夾侍贊拜東上閣門官於御榻前贊樞密以下拜殿之

上下應在位官皆再拜東上閣門官贊拜訖轉身北次

禮直官引左輔詣御座前俛伏跪奏稱左輔具官臣某

言請皇帝降座就齋室奏訖俛伏興還侍位凡左輔奏請准此

皇帝降座乘輿由東房入齋室侍臣各還所司直衛者

如常儀通事舍人分引行事執事陪祠文武官以次出

三省親王樞密宗室起居問聖體並如儀應行事執事陪祠官及從升者並

散齋七日宿於正寢致齋三日各宿於其次三省樞密院官各宿

於其所及都堂侍從官并尚書侍郎分宿於秘書省中書後省其餘官內庭有所司者各宿於其司諸方客使許

赴陪位官各宿於其次凡散齋治事如故惟不吊喪問疾作樂判

書決罰罪人及穢惡致齋之日官給酒饌惟祀事得行

其餘悉禁典祀之官已齋而闕者通攝行事

奏告

前祀二日奏告太祖皇帝室如常告之儀

陳設

前祀三日殿中監帥其屬尚舍設大次於外墻東門之內道北南向小次於午階之東西向儀鸞司設文武侍

臣於此大次之前隨地之宜行事陪祠官宗室及有司

次於外墻東門之外設東方南方客使次於文官之後

西方北方客使次於武官之後設饌幔於內墻東門西

門之外道北南向北門之外道東西向壇上及東方南方午階之東饌

陳於東門外西方南方午階之西饌陳於西門外北方之饌陳於北門外前祀二日郊社令

帥其屬掃除壇之上下積柴於燎壇光祿牽牲詣祠所

大晟陳登歌之樂於壇上稍南北向設宮架於壇南內
壇之外立舞衣於鄴綴之間前祀一日太常設神位席
太史設神位版昊天上帝位於壇上北方南向席以橐
秸太祖皇帝位於壇上東方西向席以蒲越天皇大帝
五方帝大明夜光北極九位於第一龕北斗天一太一
帝座五帝內座五星十二辰河漢等內官神位五十有
四於第二龕二十八宿等守官神位五百十有九於第
三龕外神位一百有六於內壇之內衆星神位三百有

六十於內壝之外第一龕席以橐結餘以莞而席皆內

向子階之東第二龕鈎星天柱玄栲天厨柱史五位第
三龕虛宿女宿牛宿織女四位在前人星司命司危

司非司祿天津離珠羅堰天狩奚仲左旗河鼓右旗十
有三位在後天壘城琉璃瑜代星齊星周星晉星韓星秦

星魏星燕星楚星鄭星十有二位在內壝之內眾星三
十位在內壝之外皆各為一列以西為上丑階之東第

一龕北極一位第二龕女史星紀御女三位第三龕建
星斗宿箕宿三位在前天鷄輦道漸臺敗瓜扶箱匏瓜

天井天棒帛度署四宗星宗人宗正十有三位在後越
星趙星九次天田狗國天淵狗星鱉星農丈人杵星糠

星十有一位在內壝之內眾星三十位在內壝之外皆
各為一列以西為上寅階之南第一龕青帝一位第二

龕帝座一位在前尚書析木河漢大理歲星五位在後
第三龕尾宿天紀心宿日星四位在前天籥女林侯星

市樓官者天江車四斗星解星天市垣列四東咸罰星
十有三位在後魚星龜星傳說神宮積卒從官天輻騎
陳將軍八位在內壘之內衆星三十位在內壘之外皆
各為一列以北為上卯階之南第一龕大明一位第二
龕陰德大火天槍真戈天牀五位第二龕房宿七公氏
宿帝座大角亢宿六位在前貫索天閑鈞鈴周伯星四
咸天乳招搖梗河亢池周鼎十位在後陣車車騎騎官
頓頤折威陽門五柱天門衡星庫樓十位在內壘之內
衆星三十位在內壘之外皆各為一列以北為上辰階
之南第二龕三師輔星壽星相星太陽守五位第三龕
扞提角宿軫宿太微垣太子五位在前天田平道進賢
郎將郎位內五諸侯九娵內座三公內座謁者幸臣常
陳十有一位在後平星南門青丘長沙土司空五位在
內壘之內衆星三十位在內壘之外皆各為一列以北
為上巳階之西第一龕赤帝一位第二龕太一天一二
位在前天理勢星鶉尾熒惑內厨五位在後第三龕明

堂翼宿張宿三位在前屏星從官虎賁靈臺少微長垣
黃帝座四帝八位在後左右轄軍門器府東甌天廟酒
旗六位在内壝之内衆星三十位在内壝之外皆各為
一列以東為上午階之西第一龕黃帝一位第二龕北
斗一位在前天宰三公鷄火文昌内階五位在後第三
龕軒轅七星三台柳宿四位在前内平太尊積薪積水
北河五位在後天相天稷權星天紀外厨天狗南河七
位在内壝之内衆星三十位在内壝之外皆各為一列
以東為上未階之西第二龕鎮星鷄首四輔三位第三
龕鬼宿井宿參宿三位在前天尊五諸侯越星座旗司
怪天闕六位在後天社天星水位闕丘狼星狐星老人
星四瀆野鷄軍市水府孫星子星十有三位在内壝之
内衆星三十位在内壝之外皆各為一列以東為上申
階之北第一龕白帝一位第二龕實沈太伯二位第三
龕觜宿五車諸王畢宿四位在前咸池天潢三柱天高
礪石天街天舡七位在後丈人天天天廁天伐星屏星

軍并玉井九游參旗附耳九州珠口天節十有二位在
內壘之內衆星三十位在內壘之外皆各為一列以南
為上酉階之北第一龕夜明一位第二龕八穀大梁杠
星華蓋四位第三龕月星昴宿胃宿三位在前積水天
讒卷舌天河積尸大陵左更天火將軍單南門九位在
後天園天陰天廩天苑天囷芻藁天庾天倉鉄鑕天溷
十位在內壘之內衆星三十位在內壘之外皆各為一
列以南為上戌階之北第一龕天皇大帝一位第二龕
五帝內座一位在前傳舍六甲降婁三位在後第三龕
婁宿奎宿壁宿三位在前右更附路閣道王良策星天
廐土公雲雨霹靂九位在後屏土司空八魁羽林四位
在內壘之內衆星三十位在內壘之外皆各為一列以
南為上亥階之東第一龕黑帝一位第二龕勾陳娵訾
辰星紫微垣四位第三龕室宿危宿二位在前騰蛇雷
電離宮造父土公吏內杵臼星蓋屋虛梁墳墓車府十
有一位在後壁壘陣斧鉞敗臼北落師門天網天錢泣

星哭星八位在內壇之內衆星三十位在內壇之外皆各為一列以西為上昊天上帝配帝天皇大帝五方帝大明夜明北極之座及禮神之玉俟告潔訖奉禮郎禮權徹其內官中官外官衆星等位皆設定

真官設皇帝位版於壇下小次前西向飲福位於壇下

午階之西北向望燎位於柴壇之北南向設燿火望燎

位之東南向東西各六人贊者設亞終獻位於小次之南稍

東西向大禮使太宰左丞位於其南行事吏部戶部禮

部尚書吏部禮部侍郎光祿卿讀冊舉冊官光祿丞位

於大禮使之東光祿丞稍却奉禮郎搏黍太祝郊社太官令

位於小次之東北俱西向北上監察御史位二一於壇
下午階之西南一於子階西北協律郎二一於壇上樂
虞西北一於宮架西北俱東向大樂令於樂虞北大司
樂於宮架北良醞令於酌尊所俱北向又設陪祠文武
官位於執事官之南諸方客使在文官之南隨其方國
光祿陳牲於東墻門外西向祝史各位於牲後太常設
省牲位於牲西大禮使太常左丞在南北向西上分獻
官位於其後行事吏部戶部禮部尚書吏部禮部侍郎

大司樂光祿卿讀冊舉冊官大樂令光祿丞奉禮協律
部搏黍太祝郊社太官令在北南向西上

凡設大樂令
以下位皆稍

却監察御史在吏部尚書之西異位稍却光祿陳禮饌

於東壝門外道北南向太常設省饌位於禮饌之南大
禮使太宰左丞在南北向西上分獻官位於其後監察
御史位二俱在西東向北上行事吏部戶部禮部尚書
吏部禮部侍郎大司樂光祿卿讀冊舉冊官大樂令光
祿丞奉禮協律郎搏黍太祝郊禮太官令在東西向北

上禮部帥其屬設祝冊案於神位之右司尊彛帥其屬
 設玉幣筐於酌尊所以設籩豆簋簋之位正配位皆左
 十有一籩右十有一豆俱為三行俎三一在籩前二在
 豆前為二重登一在籩豆間簋一簋一在籩豆外簋在
 左簋在右又設尊坫之位正配位皆太尊五山尊五為
 二重在壇上東南隅北向西上配位設於正位酒尊之東太尊在前
 皆有坫加勺冪為酌尊之設太尊二山尊二在神位前
 著尊二犧尊二在午階之西第一龕配位設於西階之北第一龕象

尊二壺尊六在壇下午階之西俱北向西上

配位即設於壇下酉

階之北俱東向北上

皆加冪設而不酌又設從祀諸神籩豆簋

之位第一龕每位皆左十籩右十豆俱為三行俎二在

籩豆前登一在籩豆間簋一簋一在籩豆外簋在左籩

在右爵一在俎前加坩其餘神位每位皆左二籩右二

豆俎一在神位前爵一次之簋一簋一在爵之前籩在

左簋在右登一在籩豆間

內壚外衆星位皆不設登

又設從祀尊坩

之位第一龕每龕太尊二著尊二太尊在上第二龕每

龕犧尊二第三龕每龕象尊二壺尊二象尊在上內壝

之內每階概尊二內壝之外每階散尊二皆加勺冪在

神位之左又設正配位籩豆簋盤盥各一於饌幔內

設御洗二於壇下午階東南北向盥洗在東
爵洗在西罍在洗東

加勺篚在洗西南肆實以巾若爵洗之篚則
又實以爵加玷設皇帝位

於洗南北向內侍酌水位於洗東執巾位於酌水內侍

之北俱西向吏部侍郎位于洗爵之西東向又設爵洗

之西東向又設亞終獻盥洗爵洗于本位之南分獻官

盥洗各於其方陞道之左壘籩各設於左右皆內向壘
籩者位其後祀日丑前五刻郊社令與太史官屬皆服
其服升壇設昊天上帝太祖皇帝神位版於壇上又設
天皇大帝五方帝大明夜明北極九位於第一龕太府

卿少府監帥其屬陳玉幣於籩
昊天上帝以蒼璧青璋
黃帝以黃琮白帝以白

琥黑帝以黝璜日月以珪璧皆盛於匣昊天上帝配帝幣皆以蒼日月內官以下各從其各色禮神之

玉各置於神位前燭玉加於幣光祿卿帥其屬入實正

配位籩豆簋簋
籩三行以右為上第一行形鹽在前魚
鱠糗餌次之第二行榛實在前乾桃乾

榛乾棗次之第三行菱在前芡栗鹿脯次之三行左為上第一行芹菹在前笋菹菁菹葵菹次之第二行韭

菹在前配食魚醢次之第三行豚拍在前鹿鷓醢醢次之簋實以稻簋實以黍登實以太羹

大官令

帥其屬入實俎

籩前之俎一實以十牛腥七體兩髀兩脅兩肩並脊兩髀在兩端兩肩兩脅次

之脊在中豆右之俎二為二重以北為上第一重實以牛腥腸胃肺離肺一在上端剖肺三次之腸三胃三又

次之第二重實以牛熟腸胃肺其載如腥若配位即以東為上良醢令帥其屬入實尊

太尊實以泛齊山尊實以醴齊著尊實以盎齊犧尊實以醴齊象尊實以沉齊各以一尊實明水壺尊三實玄

酒三實三酒明水玄酒皆在上又實從祀神位之饌

第一龕每龕蓮三行以右為上第一

行乾籩在前乾棗形鹽魚鱸次之第二行鹿脯在前榛實乾菹次之第三行菱在前芡栗次之豆三行以右為

上第一行芹菹在前笋菹葵菹菁菹次之第二行菹菹
 在前魚醢兔醢次之第三行豚拍在前鹿醢醢醢次之
 簠實以稻梁梁在稻前簠實以黍稷稷在黍前籩前之
 俎實以羊腥胾一豆前之俎實以豕腥胾一登實以太
 羹爵實以泛齊其餘諸神位每位左二籩栗在前鹿脯
 次之右二豆菁菹在前鹿鸞次之簠實以稷簠實以黍
 俎實以羊豕腥肉登實
 以大羹爵實以齊酒
又實從祀神位之尊
太尊實以泛齊犧尊
 實以醴齊壺尊實以沉齊各以一尊實明水概尊實以
 清酒散尊實以昔酒各一尊實玄酒著尊象尊實以明
 水上帝配帝之饌升卯階青帝升寅階赤帝升巳階黃
 帝升未階白帝升酉階黑帝升子階大明升辰階夜明
 升戌階天皇大帝升戌階北極
 升丑階其餘神位各由其升階
太常設燭於神位前又
設大禮使以下行事執事官設位於卯階之東內壝外

如省牲位所司陳異寶嘉瑞及大國之寶於宮架之南
東西相向

政和五禮新儀卷二十五

欽定四庫全書

政和五禮新儀卷二十六

吉禮

皇帝祀昊天上帝儀二

車駕自太廟詣青城

前祀一日皇帝於太廟朝享畢既還大次禮部郎中奏
解嚴皇帝常服乘輿還齋殿所司轉仗衛鹵簿陪文武
官先赴圓壇齋宮導駕官以下就次各服其服尚輦奉

御進輿於齋殿乘黃令進玉輅於廟南門外少西南向
設千牛將軍一員位於輅前北向門下侍郎一員位於
左輔之前贊者二人位又於其前質明知客省事以下
知內侍省事以下帶御器械官祇應通事大夫以下武
功大夫以下并六尚局應奉官於齋戒門前班立定東
上閣門御史臺太常寺分引管軍臣僚及左輔門下侍
郎太僕卿乘黃令詣齋殿門外立班並北向東上乘黃令位
後其次引導駕官以下俱於大次門外分東西向立以俟

奉迎前導次行宮使御營巡檢各就位立定禮直官通

事舍人引禮部侍郎奉請中嚴

凡左輔門下侍郎禮部侍郎奏請皆直官通事

舍人引

少頃又奏外辦皇帝服通天冠絳紗袍乘輿以出

稱警蹕如常儀行門禁衛諸班親從迎駕奏聖躬萬福

知客省事以下知內侍省事以下帶御器械官祇應通

事大夫以下武功大夫以下六尚局應奉官序班迎駕

奏聖躬萬福次管軍臣僚奏聖躬萬福次左輔以下常起

居次導駕官北向常起居

內有已起居者止奏聖躬萬福

分東西立次

行宮使御營巡檢常起居

該宣名者
並宣名

太僕卿出詣玉輅

所攝衣而升正立執轡駕官前導皇帝至廟南門內少

東左輔進當與前俯伏跪奏左輔具臣某言請皇帝降

輿奏訖俯伏興退復位

凡左輔奏
請准此

皇帝降輿步出門外

至玉輅所千牛將軍前跪執轡左輔奏請升輅乘黃令

稍前東向進玉輅皇帝升輅太僕卿立授綬導駕官分

左右步導門下侍郎進當輅前俯伏跪奏門下侍郎具

官臣某言請車駕進發奏訖俯伏興退復位

凡門下侍
郎奏請准

此車駕動稱警蹕左輔先詣廟西門內以俟門下侍郎及贊者夾侍以出千牛將軍夾輅而趨車駕將及廟西

門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎退傳制稱侍臣上馬贊者承傳勅侍臣上馬諸侍衛之官各督其屬左右翼駕在黃麾內符寶郎奉八寶前導殿中監後部從導駕官夾侍於前贊者在左輔門下侍郎之前侍臣上馬畢門下侍郎奏請車駕進發車駕動稱警蹕不鳴鼓

吹大駕鹵簿前導詣青城車駕將至青城東上閣門御

史臺分引陪祠文武官宗室客使禮直官贊者引行事

執事官俱詣奉裡門外立班再拜奉迎訖退

內有已起居者止奏

聖躬萬福車駕及門外駐文武侍臣皆下馬導駕官步導入

門車駕動千牛將軍夾輅而趨至端誠殿前迴輅南向

千牛將軍立於輅右左輔奏請皇帝降輅乘輿入齋殿

侍衛如常儀導駕官步導至殿前皇帝降輿歸殿後閣

簾降通事舍人承旨勅羣官各還次學士院以祝冊授

通進司進御書訖付尚書禮部

省牲器

省牲之日午後七刻去壇三百步禁行者未後二刻郊

社令帥其屬掃除壇之上下司尊彝帥府史及執事者

以祭器入設於位

凡設祭器皆藉以席籩豆又加巾蓋

太府卿少府監陳

幣於筐

告潔畢權徽

未後三刻禮直官贊者分引大禮使以

下詣東墻門外省牲位立定光祿卿丞與執事者牽牲

就位禮直官贊者揖贊者引大司樂入行樂架

凡亞終獻行事

皆禮直官太常博士引大禮使太常
左丞行事皆禮直官引餘贊者引
次引禮部尚書升

自郊堦視滌濯凡行事執事官升降皆自郊階
次引太宰申眡滌濯執

事者皆舉冪曰潔俱復位禮直官稍前曰告潔畢請省

牲次引禮部尚書侍郎稍前省牲訖退位次引光祿卿出

班循牲一匝西向躬曰充曰脩次引光祿丞出班循牲

一匝西向躬曰臚俱復位禮直官稍前曰省牲畢請就

省饌位贊揖訖引大禮使以下各就位立定禮直官贊

揖所司省饌具畢禮直官贊省饌畢揖訖俱還齋所光

祿卿丞及執事者以次牽牲詣厨授太官令次引禮部
尚書詣厨省鼎鑊視濯漑協律郎展視樂器乃還齋所
晡後一刻太官令帥宰人以鸞刀割牲祝史各取毛血
實於槃俱置饌所遂烹牲郊社令帥其屬掃除壇之上
下

奠玉幣

祀日丑前五刻

行事用丑
時七刻

諸祀官及陪祠之官各服其

服郊社令與太史官屬入設神位版太府卿少府監入

陳玉幣光祿卿入實籩豆簋簋太官令入實俎良醞令
入實尊樂正帥工人二舞以次入與執尊壘篚冪者各
就位次引分獻執事官各位於龕陛上下並外向次通
事舍人分引陪祠文武官及宗室客使各入就位次禮
直官贊者分引大禮使以下行事執事官就外階內墻
門外揖位定立禮直官贊揖次引監察御史次引大禮
使以下入就次次引監御史按視壇之上下糾察不如
儀者退復位尚輦奉御進輿於齋殿皇帝服通天冠絳

紗袍乘輿以出近侍及扈從之官前導至大次門外皇帝降輿入次簾降禮儀使樞密院官太常卿東上閣門

官太常博士禮直官分引於大次外之左右次引禮部

侍郎詣前奏請中嚴少頃又奏外辦符寶郎奉寶陳於

宮架之北禮儀使當次前俯伏跪奏禮儀使臣具官某

言請皇帝行事奏訖俯伏興還侍衛禮儀使奏禮畢准此簾卷皇

帝服裘被衮以出侍衛如常儀禮儀使以下前導至中

壇門外殿中監跪進大圭殿中少監副之凡殿中監進圭受圭皆少

監副之禮儀使奏請執大圭前導皇帝入自正門侍衛不應入者

止於門外協律郎俯伏舉麾興凡行禮執事者取物工鼓柷

宮架乾安之樂作皇帝升降行止皆作乾安之樂至午階版位西向立

偃麾憂敵樂止凡樂皆協律郎跪俛伏舉麾興禮儀使

以下分左右侍立凡行禮儀使樞密院官太常卿東上閣門官太常博士禮直官前導至位

則分立於左右禮儀使前奏有司謹具請行事宮架作景安之

樂文德之舞六成太常升煙燔牲首禮儀使奏請再拜

皇帝再拜贊者曰再拜在位官皆再拜內侍取玉幣於

篚立於尊所

應龕陞上下及壇內諸位太祝取玉幣亦各立於尊所

次引太宰吏

部尚書侍郎升詣昊天上帝神位前立太宰吏部尚書

俱西向北上侍郎東向禮儀使前導皇帝盥洗位宮架

樂作至洗位北向立樂止內侍酌水以進禮儀奏請搢

大圭盥手內侍跪取巾於篚興以進皇帝帨手內侍受

巾跪奠於篚禮儀使奏請執大圭前導皇帝升壇大禮

使從

皇帝升降大禮使皆從左右侍衛量人數升

宮架樂作至壇下樂止升

自午階登歌樂作至壇上樂止登歌嘉安之樂作殿中

監跪進鎮圭禮儀使奏請措大圭執鎮圭前導皇帝詣
昊天上帝神位前北向立內侍先設繅藉於地禮儀使
奏請跪奠鎮圭於繅藉執大圭俯伏興又奏請措大圭
跪內侍加玉於幣以授吏部尚書吏部尚書以授太宰
太宰西向跪以進禮儀使奏請受玉幣皇帝受奠訖吏
部侍郎東向跪受以興進奠於昊天上帝神位前太宰
吏部尚書侍郎俱詣太祖皇帝神位前以俟禮儀使奏
請執大圭俯伏興內侍取鎮圭繅藉詣太祖皇帝神位

前先設繅藉於地禮儀使奏請再拜皇帝再拜訖樂止
禮儀使前導皇帝詣太祖皇帝神位前東向奠幣並如

上儀

惟登歌作
廣安之樂

太宰以下俱復位禮儀使導皇帝還版

位登歌樂作內侍舉鎮圭繅藉以鎮圭授殿中監還次
有司皇帝降階樂止宮架樂作至版位西向立樂止初
皇帝將奠配位之幣贊者引分獻官俱詣盥洗位搯笏
盥手悅手執笏由其階升詣諸從祀神位前各搯笏跪
奠幣執笏俯伏興再拜祝史執事官各助奠訖退復位

祝史奉毛架立於壇門外由其階升太祝迎於壇上俱
進奠於神位前大祝與執事者退立於奠所

政和五禮新儀卷二十六

欽定四庫全書

政和五禮新儀卷二十七

吉禮

皇帝祀昊天上帝儀三

進熟

祀日有司陳鼎四於神厨各在鑊右太官令帥進饌者

詣厨以七升牛於鑊實於一鼎

肩臂 膈 肱 胛 正脊 一 橫脊 一 長脊 一 短脊 一

一代脊 一 皆二骨 以 並正配位各以鼎

皆設局幕祝史對舉陳於饌幔內

重行西向以南為上光祿實籩豆簋蓋於饌幔內籩實以籩粉

養豆實以糗食簋實以梁簋實以黍次引禮部侍郎詣饌所視腥熟之節

俟皇帝升奠玉幣訖還位樂止引禮部尚書詣饌所執

籩豆簋蓋以入戶部尚書詣饌所奉俎以入太官令引

入正門宮架豐安之樂作設卯階之下北向西上奉牲者

在東祝史抽局委於鼎右除冪初鼎序入有司執匕及

俎以從至郊堦下各設於鼎西七加於鼎太官令以匕

升牛載於一俎肩臂膈在上端肫膈在下端脊骨在中端正配位合一俎鼎先退俟

祝史進徹毛血槃以次出次引禮部尚書搢笏執籩豆
簋簋戶部尚書搢笏奉俎以升執事者各迎於壇上禮
部尚書奉籩豆簋簋詣昊天上帝神位前北向跪奠蓋
訖於下執笏俯伏興有司設籩糗餌前豆於醢醢前簋
於稻前簋於黍前次引戶部尚書奉俎詣昊天上帝神
位前北向跪奠執笏俯伏興有司設於豆前次詣太祖
皇帝神位前東向跪奠如上儀樂止俱降復位太祝
取菹孺於醢登於豆間三又取黍稷肺祭如初皆藉用

茅各還尊所次引太宰左丞詣昊天上帝神位前西向立以北為上次引吏部侍郎於爵洗位東向立禮儀使前導皇帝詣盥洗位宮架樂作至洗位北向立樂止內侍酌水以進禮儀使奏請措大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝詣爵洗位宮架樂作立洗位北向立樂止吏部侍郎跪取爵於篚興以進禮儀使奏請措大圭受爵內侍酌水以進禮儀使奏請洗爵內侍跪取巾

於篚興以進皇帝拭爵內侍受巾跪奠於篚吏部侍郎受
爵升自午階禮儀使奏請執大圭前導皇帝升壇宮架
樂作至午階樂止升自午階登歌樂作至壇上樂止登
歌僖安之樂作吏部侍郎奉爵詣正位酌尊所西向立
執尊者舉冪良醞令酌太尊之泛齊訖先詣配位酌尊
所北向立禮儀使前導皇帝詣昊天上帝神位前北向
立禮儀使奏請搢大圭跪吏部侍郎以爵授左丞左丞
授太宰太宰西向跪以進禮儀使奏請執爵祭酒

三祭
於茅

直奠爵執大圭俯伏興又請少立樂止太宰左丞俱詣

太祖皇帝神位前北向立以俟舉冊官舉祝冊進於昊

天上帝神位之右讀冊官搢笏東向跪讀冊文讀訖執

笏興先詣太祖皇帝神位前南向立禮儀使奏請再拜

皇帝再拜有司奠冊於昊天上帝神位前禮儀使前導

皇帝詣太祖皇帝神位前酌南獻並如上儀

將登歌作
彰安之樂

太宰以下俱復位禮儀使前導皇帝還版位登歌作降

階樂止宮架樂作至版位西向立樂止禮儀使奏請還

小次宮架樂作將至小次樂止禮儀使奏請釋大圭殿
中監跪受大圭皇帝入小次簾降樂止文舞退武舞進
宮架正安之樂作舞者立定樂止初皇帝將詣小次禮
直官太常博士引亞獻詣盥洗位北向立搯笏盥手帨
手執笏詣爵洗位北向立搯笏洗爵拭爵以授執事者
執笏升詣正位酌尊所西向立宮架作正安之樂武功之
舞執事者以爵授亞獻亞獻搯笏執爵執尊者舉冪太
官令酌山尊之醴齊訖先詣配位酌尊所北向立亞獻

以爵授執事者執笏詣昊天上帝神位前北向搢笏執
事者以爵授亞獻亞獻執爵祭酒三祭於茅苴奠爵執
笏俯伏興少退北向再拜次詣太祖皇帝神位前酌獻
並如上儀樂降止復位初亞獻行禮將畢次禮直官太
常博士引終獻詣洗及升壇酌獻並如亞獻之儀降復
位初亞獻將升次分引分獻官詣盥洗位搢笏盥手悅
手執笏各由其階升詣從祀諸神位前俱搢笏跪執爵
三祭酒奠爵執笏俯伏興再拜降復位初皇帝既奠玉

幣光祿以牛左臂一骨及長脅短脅俱二骨以並載於
胙俎設於壇下飲福位之西俟終獻既升獻引戶部尚
書搏黍太祝太官令詣飲福位東面立奉俎豆爵酒者
各位於其後禮儀使奏請詣飲福位卷簾出次宮架樂
作殿中監跪進大圭禮儀使奏請執大圭前導皇帝詣
飲福位將至位樂止宮架禧安之樂作皇帝至飲福位
北向立尚醞典御執尊升詣酌尊所良醞令酌上尊福
酒合置一尊典御奉尊降詣飲福位以授殿中少監尚

醞奉御執爵殿中少監酌之奉御以爵酒授殿中監殿

中監西向捧以立禮儀使奏請再拜皇帝再拜殿中監

跪以爵酒進禮儀使奏請措大圭跪授爵祭酒

三祭於地

啐

酒奠爵殿中監跪受爵以興諸大祝帥執事者持胙

俎進臧神位前正脊二骨橫脊二骨加於俎以授戶部

尚書戶部尚書西向跪以進皇帝受俎奠之戶部尚書

受俎以興退復位太官令取黍於簋搏以授太祝太祝

受以豆東向跪進皇帝受訖奠之太祝受豆以興退復

位次殿中監再跪以爵酒進禮儀使奏請受爵飲福酒
奠爵殿中監受虛爵興以授典御奏執事者俱退復位
禮儀使奏請執大圭俯伏興又奏請再拜皇帝再拜樂
止禮儀使前導皇帝還版位宮架樂作至版位西南立
樂止次引禮部尚書升壇徹籩豆戶部尚書升壇徹俎
籩豆俎各一
俱少移故處登歌熙安之樂作卒徹樂止禮部戶部尚
書降復位禮直官曰賜胙行事陪祀官拜贊者承傳曰
賜胙再拜在位官皆再拜送神宮架景安之樂作一成

止

望燎

景安之樂畢禮儀使奏請詣望燎位前導皇帝詣望燎位宮架樂作至位南向立樂止初賜胙再拜訖郊社令以黍稷肺祭藉以白茅束之吏部侍郎帥大祝執篚進詣神位前取玉幣祝冊藉以茅大明夜明以上並以俎載牲體黍稷飲爵酒各由其階降壇南行詣柴壇自南階升以玉幣祝冊饌物置於燎柴諸太祝又以諸位幣

帛從燎禮直官曰可燎舉燿火東西各以炬燎半柴禮儀使奏畢前導皇帝還大次宮架樂作出壇門外禮儀使奏請釋大圭殿中監跪受大圭以還有司侍衛如常儀皇帝至大次樂止禮部郎中奏解嚴次引大禮使以下詣外階之東內壝外揖位立禮直官贊禮儀揖訖退通事舍人等引陪祀文武官及宗室客使以下出將士不得輒離部伍

端誠殿受賀

皇帝既還大次奏鮮嚴訖皇帝常服乘輿還青城侍衛
如常儀鼓吹振作至殿前降輦還齋殿東上閣門御史
臺分引文武官宗室並常服詣殿前立班稱賀東上閣
門附內侍進班齋牌皇帝常服出升御座鳴鞭禁衛奏
聖躬萬福次舍人揖管軍臣僚等并行門躬贊再拜管
軍臣僚以下皆再拜班首奏聖躬萬福舍人引班首出
班俯伏跪致詞訖俯興退復位舍人揖躬贊再拜管軍
臣僚以下皆再拜三稱萬歲內侍詣御座前承旨退降

階西向宣答訖舍人贊再拜管軍臣僚以下皆再拜三稱萬歲舍人贊各祇候管軍臣僚詣殿下侍立行門分左右立次太史局官詣當殿北向立舍人揖躬贊再拜太史局官再奏聖躬萬福出班躬身奏祥瑞訖退復位舍人揖躬贊再拜太史局官再拜贊祇候太史局官東出次舍人揖樞密以下躬舍人當殿通某官姓名以下起居稱賀轉身於班前西向立舍人贊再拜播笏舞蹈三稱萬歲又再拜班首不離位奏聖躬萬福又再拜舍

人引班首出班俯伏跪致詞訖俯伏興退復位舍人揖躬贊再拜樞密以下皆再拜播笏舞蹈三稱萬歲又再拜東上閣門官當殿北向承旨退西向稱有制樞密以下皆再拜宣答訖復位舍人曰再拜樞密以下皆再拜播笏舞蹈三稱萬歲又再拜樞密樞密直學士升殿侍立並升西階知客省事以下殿廷東侍立餘官分班出舍人名以下起居稱賀三公通某官舍人揖班首以下橫行北向

立 學士西省官將 稱賀如上儀 惟典儀贊拜 樞密詣御

軍仍舊西向立 稱賀如上儀 座前承旨退詣折檻東

稱有制 旨宣答 賀訖宰臣執政官升殿東西相向立 宰臣執政

中書侍郎 升西階 樞密直學士下殿餘官以次退皇帝降座鳴

鞭上侍立官以次退



